

Ekskluzive

Ekskluzive | 11 ditë në kërkim pas të shtënave në Mitrovicë – dorëzohen dy vëllezërit Cakiqi, njëri sjell edhe armën në Polici



Sinjali.com

21 Gusht 2026 09:14



Dy të rinjtë e dyshuar lidhur me shkëmbimin e zjarrit në një objekt banesor në sheshin “Isa Boletini” në Mitrovicë, rast që po hetohet si “Vrasje në tentativë”, janë vetëdorëzuar në Polici 11 ditë pas ngjarjes, mëson Sinjali.

Burimet e Sinjalit bëjnë të ditur se bëhet fjalë për **Endri Cakiqin**, 18 vjeçar dhe **Albi Cakiqin**, 24 vjeçar, të cilët janë paraqitur në Polici mëngjesin e 20 gushtit, rreth orës 09:30, të shoqëruar nga avokatët e tyre mbrojtës.

Me rastin e dorëzimit, njëri prej të dyshuarve ka dorëzuar edhe një pistoletë të tipit “Zastava”, për të cilën ka pretenduar se është arma që ai ka përdorur gjatë incidentit. Arma është sekuestruar dhe do t’i nënshtrohet procedurave të mëtejshme hetimore.

Ngjarja për të cilën dyshohen dy vëllezërit kishte ndodhur më 9 gusht, rreth orës 15:30, në sheshin “Isa Boletini”.

Policia ishte njoftuar atë ditë për të shtëna me armë zjarri dhe, me të mbërritur në vendngjarje, kishte hasur në një skenë që ngriti dyshime për të shtëna nga të dyja palët.

Në derën e banesës ku jetonin të dyshuarit ishin konstatuar vrima të shkaktuara nga predhat, ndërsa dyshohet se nga brenda banesës ishte shtënë në drejtim të disa personave që ndodheshin në korridor.

Por plumbat, sipas të dhënave të hetimit fillestar, nuk kishin ardhur vetëm nga njëra anë.

E dëmtuar ishte edhe dera e banesës përballë, ndërsa në korridor ishin gjetur e sekuestruar disa gëzhoja që dyshohej se u përkisnin kalibrave të ndryshëm dhe potencialisht dy armëve.

Njësia e Hetimeve Rajonale kishte kryer ekzaminimin e vendngjarjes, duke tërhequr gëzhojat dhe predhat e gjetura për ekzaminime të mëtejshme.

Pas incidentit, personat që ndodheshin në banesën e të dyshuarve ishin larguar dhe vendndodhja e tyre nuk ishte bërë e ditur.

Njëmbëdhjetë ditë më vonë, Endri dhe Albi Cakiqi janë paraqitur vetë në Polici.

Të dy janë intervistuar në praninë e avokatëve mbrojtës, ndërsa me vendim të Prokurorit të çështjes u është caktuar ndalimi prej 48 orësh.

Motivi që çoi deri te të shtënat ende nuk është bërë i ditur. Rasti vazhdon të hetohet si “Vrasje në tentativë”, ndërsa hetimet pritet të sqarojnë rolin e secilit prej personave të përfshirë dhe rrethanat e shkëmbimit të dyshuar të zjarrit.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera